

## **ՀԱՇՎԵՏՎՈՒԹՅՈՒՆ**

2017 թվականի հունիսի 20-ին Կիև գործուղման  
արդյունքների մասին

### **1. Անունը, ազգանունը**

Վաչե Տերտերյան

### **2. Զբաղեցրած պաշտոնը**

ՀՀ տարածքային կառավարման և զարգացման նախարարի առաջին տեղակալ

### **3. Գործուղման վայրը և ժամկետները**

Կիև (Ուկրաինա), 2017 թվականի հունիսի 20

### **4. Հրավիրող կողմը**

Եվրոպական հանձնաժողով

### **5. Գործուղման նպատակը**

Մասնակցել «Քաղաքապետեր հանուն տնտեսական զարգացման» ծրագրի  
Վերահսկիչ հանձնաժողովի առաջին հանդիպմանը:

### **6. Քննարկված թեմաները**

Համաժողովին մասնակցում էին Եվրոպական հանձնաժողովի, Հայաստանի,  
Վրաստանի, Ուկրաինայի, Մոլդովայի, Բելառուսի կենտրոնական և տեղական  
իշխանությունների ներկայացուցիչներ:

Միջոցառման ընթացքում ներկայացվեցին ծրագրի սկզբնական  
արդյունքները, հետագա անելիքները և մարտահրավերները: Անդամ երկրների  
կողմից ներկայացվեցին գործողությունների ծրագրերը մինչև 2017 թվականի  
դեկտեմբեր ընկած ժամանակահատվածի համար:

Բացման խոսքով հանդես եկավ Եվրոպական հանձնաժողովի ընդլայնված բանակցությունների և հարևանության գլխավոր տնօրինության «Վրաստան, Մոլդովա և հարևանության անդրսահմանային համագործակցության» բաժնի ղեկավար Մաթյու Բուսքետը:

Անդրադարձ կատարվեց հաղորդակցության ռազմավարության և առաջիկա տարածաշրջանային գործողությունների ներկայացմանը, ինչպես նաև ծրագրի հիմնական շահագրգիռ կողմերի միջև կազմակերպվեցին բաց քննարկումներ:

Քննարկվեց նաև վերականգնվող էներգիայի հետ կապված հարցեր: Ես իմ ելույթում նշեցի, որ այդ թեման սերտորեն թղթակցվում է ՀՀ կառավարության որդեգրած տնտեսական զարգացման ծրագրերի, մասնավորապես համայնքներում տնտեսական զարգացմանը միտված աշխատանքների հետ:

#### **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը**

ԵՄ համապատասխան պաշտոնյաների հետ քննարկեցինք Հայաստանին բյուջետային աջակցության, տարածքային համաչափ զարգացմանն առնչվող մի շարք հարցեր:

Նիստի ավարտին տեղի ունեցավ ուկրաինական քաղաքների՝ «Քաղաքապետեր հանուն տնտեսական զարգացման» (M4EG) նախաձեռնությանը միանալու նվիրված ստորագրման արարողություն:

#### **8. Գործուղվողը**

Վաչե Տերտերյան

#### **9. Ստորագրությունը, ամսաթիվը**

23.06.2017թ.

